


Semester September 2020 sekali lagi menyaksikan para pelajar UiTM Cawangan Pulau Pinang (UiTMCPP) kembali mengikuti sesi kuliah Pengajaran & Pembelajaran (P&P) secara maya buat kali kedua selepas semester Mac 2020. Umum mengetahui MCO 2.0 yang diumumkan pada 13 Januari 2021 telah membawa kepada 'online learning' ataupun pembelajaran atas talian buat seluruh pelajar IPTA. Namun pengumuman Perintah Kawalan Pergerakan (PKP) pada kali ni tidak menjadi halangan bagi para pelajar daripada terlibat dalam gerak kerja aktiviti kurikulum apabila Penang Civil Engineering Student Society (P'CES) telah bersedia menyusun pelbagai aktiviti untuk pelajar UiTM Pulau Pinang terutama pelajar Fakulti Kejuruteraan Awam (FKA).

“Annual Grand Meeting (AGM)” P'CES

“Annual Grand Meeting (AGM)” P'CES pada 7 Disember 2020 merupakan aktiviti pertama P'CES pada semester tersebut. Buat julung kalinya P'CES mengadakan perjumpaan berskala besar melalui perantara atas talian iaitu Microsoft Team dan ini memberi pengalaman yang bermakna buat kelab. Dikendalikan sepenuhnya oleh Jawatankuasa Teknikal dan Multimedia, usaha P'CES ini harus dipuji kerana berjaya mengendalikan acara besar dengan lancar walaupun terdapat sebilangan jawatankuasa tersebut yang bersiaran langsung dari kediaman masing-masing.



Acara ini dirasmikan oleh Ketua Pusat Pengajian, Fakulti Kejuruteraan Awam, Dr. Haji Anas bin Ibrahim dan turut disertai kedua-dua Penasihat P'CES iaitu Puan Nur Shafieza binti Azizan dan Cik Nurol Huda binti Dahalan. Perjumpaan yang dihadiri oleh 800 orang pelajar FKA. Antara intipati AGM tersebut adalah tayangan video montaj dan aktiviti-aktiviti yang telah dilaksanakan pada semester lepas dan perancangan aktiviti semester akan datang. Selain itu pelajar-pelajar FKA turut menyertai ‘P'CES Challenge’. AGM ini yang bermula pada pukul 8.30 malam telah tamat pada pukul 10.00 malam.

“Coronapocalypse Virtual Run 2020”

Pada 19 Disember 2020 sehingga 26 Disember 2020 pula telah berlangsung aktiviti ketiga P'CES iaitu “Coronapocalypse Virtual Run 2020”. Aktiviti ini telah disertai oleh 50 orang pelajar termasuk pensyarah UiTMCPP. Sebelum ini, P'CES telah menganjurkan beberapa program larian dan ini merupakan kali pertama larian diadakan dalam bentuk larian maya. Peserta diberi kebebasan untuk menamatkan larian sejauh 5km di lokasi kediaman masing-masing. Larian perlu direkodkan melalui mana-mana aplikasi larian yang dipilih dan perlu menangkap layar bukti larian kepada penganjur. T-shirt dan lanyard juga diberikan kepada semua peserta larian. Peserta dengan tempoh larian yang paling singkat dipilih sebagai pemenang.

Hadiah utama telah diberikan kepada 3 orang peserta terpujian iaitu:

- 1. Mohamad Shahrul 'Izzat Bin Mustafa**
- 2. Ahmad Hambal Bin Azmi**
- 3. Mohd Fahzanzamir Syamiza Bin Amir Sham**



Screen shot larian peserta “Coronapocalypse Virtual Run 2020”

“ODL at Home Be Like” & “Awareness of Go Green”

Sesi ‘*Online Distance Learning (ODL)*’ yang lalu telah banyak memberi ruang kepada pelajar menyediakan penilaian kerja khusus dalam bentuk video. Rentetan daripada itu, P’CES telah membuka peluang kepada pelajar UiTM CPP untuk berkarya dalam ‘Video Competition 2020’. Menerusi pertandingan ini, dua tema telah dipilih iaitu “ODL at Home Be Like” dan “Awareness of Go Green”. Tujuan tema sebegini dianjurkan adalah untuk memberi galakan kepada pelajar dalam menghasilkan rakaman video berkaitan persediaan menghadapi sesi ODL di rumah pada musim pandemik manakala dan juga menggalakkan pelajar menghasilkan video berkenaan kesedaran mencintai alam sekitar. Seramai 7 orang pelajar mewakili pelbagai fakulti di UiTM CPP telah menyertai pertandingan ini. Juri pertandingan terdiri daripada penasihat PCES sendiri dan pemenang telah dipilih berdasarkan kreativiti, inovasi dan memenuhi objektif pertandingan. Pelajar perlu memuatnaik video rakaman mereka ke dalam perantara Instagram untuk dinilai. Senarai pemenang yang berjaya adalah seperti berikut:

“ODL At Home Be Like”

1. Mawaddah Sakinah binti Habali
2. Umie Maisarah binti Zainol Abidin
3. Muhammad Firdaus bin Mohd Salleh

“Awareness of Go Green”

1. Muhammad Alif Taufik bin Idris
2. Che Wan Danisha binti Wan Ahmad Arjunaidi
3. Siti Nurzahirah binti Zulkifly



Pemenang Video Competition 2020 bersama hadiah dimenangi